

## **Oqaluuserisassanut nassuiaat**

(Inatsisartut Siulittaasuat)

Ulloq 26. september ataatsimiinnitsinni oqaluuserisassani immikkoortut 18 aamma 23 angumerinngitsoorparput, taamaattumillu ullumi ataatsimiinnermi oqaluuserineqartussatut ingerlateqqinneqarsimallutik.

Immikkoortumi 18-imi pineqarpoq: Uunga siunnersuut Kalaallit Nunaanni aningaasanik nuussinermi paasissutissat ilanngullugit nassiunneqartarnissaannik inatsisip allanngortinneqarnissaa pillugu inatsisissatut siunnersuut.

Immikkoortumi 23-mi pineqarpoq: Siunnersuut uunga Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaanut pillugu Inatsisissamut Siunnersuummut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissarineq, sulinermi ajutoornerit il.il. pineqartillugit akuersaarnissamut apeqqummik sukangannginnerusumik nalilersuineq)

Immikkoortoq 16-p ullumikkut oqaluuserisassanit peerneqarallarnissaanik Naalakkersuisoq qinnuteqarpoq, immikkoortoq 16 kingusinnerusukkut oqaluuserineqartussanngortinneqarumaarpoq.

Immikkoortoq 16-p qulequtaraa:

Uunga siunnersuut: Pisortanut akiitsut akilersinniarneqartarnerat, pinaveersaartinneqarnissaallu pillugit Inatsisartut inatsisaata allanngortinneqarnera pillugu Inatsisartut inatsisaat. (Atuuffissaasa annertusitinneqarnerat, ilanngaatiginnissinnaatitaanerup annertusitinneqarnera, naatsorsuilluni akiliinissamut piffissaliussap allanngortinneqarnerata malitsigisaanik sunniutaasumik allanngortitsineq, akiligassiissutit aningaasartaasa minnerpaaffissaat, atsiornissamut piumasqaatinut ilaatitsinnginnissamut piginnaatitsissut, akiligassiissutit annikitsut isumakkeerneqartarnerat)

Lars Salik Henningsen Kielsen Nuummut tikissimalerpoq, ataatsimiinnermullu peqataasinnaangorluni, Lars Salik Henningsen Kielsen tikilluarit.

**Taasisarnerit pillugit uku akornanni isumaqatigiissuteqartoqarpoq:**